

Por fin aki poco siman:

TERENO DI ANTES MINIGOLF LO WORDE HACI COMPLETAMENTE LIMPI

Chollerhouse lo worde basha abao!

ORANJESTAD (AAN) -- Por fin aki poco siman e tereno di e antes mini-golf lo worde haci completamente limpi, y e chollerhouse cu tanto molester ta causando den nos comunidad, y pa turismo, lo desapare.

Debi cu ayera mainta mas yamada a drenta DIARIO pa duna redaccion razon tocante e situacion reinante den e local ubica riba tereno di e antes minigolf y cu algo mester worde haci (no awe, pero ayera mes), DIARIO a tuma contacto cu instancianan concerni (D.O.W y Domeinbeheer) en busca di informacion pakico e lugar aki no a haya atencion despues di tanto aña cu e problema ta existi, y kico tin den plan pa busca un solucion.

Den breve por bisa cu D.O.W riba su mes no por haci nada, maske cu nan ta hopi conciente di e situacion aki. Pero ta asina cu pa D.O.W basha "x" lugar abao (por ehemplo) ta henter un proceso mester tuma lugar prome, pa e departamento aki haya opdracht pa actua. Den e caso cu ta ocupando tanto atencion di publico y di DIARIO tambe, esta, e asunto di minigolf, esey no ta e caso te ainda.

PAKICO NO A TUMA PASO

Na Domeinbeheer DIARIO a conversa cu e director interino, Sr. Abath kende a indica cu dicho instancia tin tur atencion riba e problema y medida lo worde tuma den corto tempo.

El a cuminsa pa splica cu algun tempo pasa gobierno a huur e tereno en cuestion cerca un compania cu kier a bin cu un restaurant riba dje, combina cu un centro pa deporte acuatico. Pero nunca e compania aki a cumpli cu e

condicionnan bao di cual nan a haya e tereno en cuestion, pa cual motibo gobierno a cancela e contract di huur.

"Nos a informa e personanan aki cu nan mester a haci e tereno limpi pa e keda den su situacion original, pero esey no a sosode" Abath ta indica.

LO BIN SOLUCION

Segun sr. Abath ta indica, loke gobierno ta bay haci aworaki, a traves di Domeinbeheer ta laga haci e tereno menciona limpi riba gasto di e compania cu tabata tine na erfpacht. Esaki ta nifica basha e local abao y haci e tereno completamente limpi, ruim up tur

cos cu tin benta riba dje y bente na dump.

"Pakico nos no a tuma accion riba dje ta pasobra nos tabata wardando wak si e hendenan cu tin e tereno na erfpacht ta bay cumpli cu loke nos a bisa nan pa haci". Finalmente Abath ta indica cu e ta bay papia cu D.O.W pa bisa nan ki dia nan por bay haci e trabao menciona,

pa asina manda un opdracht pa nan.

Por spera cu den e transcurso di e proximo dos simannan ya lo por mira e cambio den e antes minigolf, cu tanto hende local como turista ta ancioso pa e tuma lugar: esta, corta for di raiz cu henter e problematico cu dicho chollerhouse ta causa.




Be Sun Smart!

HAWAIIAN TROPIC E SUNBLOCK IDEAL TAMBE TA DEN KICK DI CARNAVAL

Den Carnaval 42 no kima bira ros mahos. Proteha bo cuero pabo no keda parce un mero. Usa **SUNBLOCK** di **HAWAIIAN TROPIC** y goza sin fin di tur swing. Solo lo no cushi y bida ta sigui dushi.



SEAWAVES N.V., Agente exclusivo di Hawaiian Tropic, productonan recomenda pa proteccion di bo cuero contra solo, ta ofrece na econsumidor na muestra di compra di tres producto di Hawaiian Tropic for di un di e tiendanan local, un bril di solo "PLAYTYPUS" (valor \$25,=). Oferta ta obtenible na SEAWAVES N.V., Dakota Shopping Paradise dia 9, 12 y 13 di Februari entre 4'or pm - 5'or pm di atardi. Oferta ta limita.



Telefon di
DIARIO

26747

